

## 1-ч ферм сӕӕхрджӕнӕ

Приозерн районы „Сухотинский“ совхозын 1-ч фермд ныдн джил арв гар хуучн шавр гермуд ӱзгддг билӕ. Хойр джиллин дунд эн фермд зу гар хальмг ӕрк-бӱл нуудж ирцхӕв.

Эн ирсн хальмг ӕрк-бӱлӕс шавр кирпич цокдг, герин эрс тӕвдг бригадс бӱрдлӕ. Эн бригадиг урднӕ чолуна дамшлтта Паваев Михаил Чонънухаевич гардджӕдниг кӕдлгдж йовна. Эндр ӕдр эн фермд шин бӕрг-

дсн шифр ората сарул сӕӕхн стандартн 17 гер дунъгӕлднӕ. Эн джил иим 30 гер энунд бӕргдхмн.

Бӕӕсн селӕгӕӕн кеерӱлхин кергт, эн намр оln зӱсн модд тӕргдх белдвр энунд кегдджӕнӕ, дакад электрогерл болн радио орулгдх зурата.

Шидрхн эн фермд медпункт секгдв. Даругӕас школ болн клуб бӕргдхмн.

П. НАРМАЕВ.